

**CONVENIO DE COLABORACIÓN ENTRE A AXENCIA GALEGA DE INNOVACIÓN E A ASOCIACIÓN BIOGA-
CLÚSTER TECNOLÓXICO EMPRESARIAL DAS CIENCIAS DA VIDA PARA A IMPLEMENTACIÓN DUN PLAN
DE ACTIVIDADES PARA IMPULSAR A EXCELENCIA DO SECTOR BIOTECNOLÓXICO A TRAVÉS DA
COMPETITIVIDADE, A INNOVACIÓN E A TRANSFERENCIA NO TECIDO EMPRESARIAL GALEGO DO
SECTOR NO PERÍODO 2026-2027**

REUNIDOS

Dunha parte, D. Román Rodríguez González, conselleiro de Educación, Ciencia, Universidades e Formación Profesional, nomeado para este cargo polo Decreto 44/2024, do 14 de abril de 2024 (DOG núm. 73, do 14.04.2024), actuando no exercicio das competencias que ten atribuídas polo artigo 34 da Lei 1/1983, do 22 de febreiro, de normas reguladoras da Xunta e da súa presidencia, modificada polas leis 11/1988 de 20 de outubro; 7/2002, do 27 de decembro; 2/2007, do 28 de marzo e 12/2007 do 27 de xullo, e polo Decreto 73/2022, do 25 de maio, polo que se establece a estrutura orgánica das vicepresidencias e das consellerías da Xunta de Galicia (DOG núm. 101, do 27 de maio de 2022), e presidente da Axencia Galega de Innovación (en adiante GAIN), en virtude do disposto no artigo 12 do Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

Doutra parte, Don José Manuel López Vilariño, na súa condición de presidente da Asociación BIOGA – Clúster Tecnolóxico Empresarial das Ciencias da Vida (en diante BIOGA) con NIF G70259312 e sede na Rúa Murcia, edificio CSIEB, Polígono A Sionlla 3, 15707 Santiago de Compostela (A Coruña), actuando en representación desta en uso das atribucións que lle confire o artigo 22 dos Estatutos desta entidade e en virtude da aceptación do cargo de presidente da data 09.06.2023.

Interveñen en función dos seus respectivos cargos no exercicio das funcións que, para convir en nome das entidades que representan, teñen conferidas e



EXPOÑEN

PRIMEIRO.-

Que son obxectivos da Xunta de Galicia en xeral, e de GAIN en particular, apoiar e impulsar o I+D+i galego sobre a base dunha estreita conexión entre os ámbitos científico, empresarial, social e da propia Administración, coa finalidade de promover políticas e iniciativas que permiten potenciar a excelencia científica, a transferencia de coñecemento, o talento e a innovación, completando o ciclo de coñecemento entre a ciencia, a investigación e os sectores produtivos

SEGUNDO.-

Que GAIN é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos (modificado polo Decreto 15/2014, de 6 de febreiro; o Decreto 64/2016, do 26 de maio, o Decreto 125/2016, do 1 de setembro; o Decreto 85/2019, do 4 de xullo; o Decreto 105/2021, do 1 de xullo; o Decreto 225/2022, do 29 de decembro; e o Decreto 138/2024, de 20 de maio). Encóntrase adscrita á Consellería de Educación, Ciencia, Universidades e Formación Profesional e conta con personalidade xurídica propia diferenciada respecto da Administración Xeral da Comunidade Autónoma de Galicia, patrimonio e tesourería propios e autonomía de xestión nos termos que precisen as leis.

A Axencia Galega de Innovación vertebrada a súa estratexia de impulso ao I+D+i galego sobre a base dunha estreita conexión entre os ámbitos educativo, científico, empresarial, social e da propia Administración, coa finalidade de promover políticas e iniciativas que permitan potenciar a excelencia científica, a transferencia do coñecemento, o talento e a innovación.

TERCEIRO.-

Que BIOGA, constituída ao amparo da Lei Orgánica 1/2002, reguladora do dereito de asociación, é unha asociación sen ánimo de lucro de ámbito da comunidade autónoma de Galicia, dotada



con personalidade xurídica propia e plena capacidade de obrar de acordo coa lexislación vixente sobre asociacións.

Segundo o artigo 4 dos seus estatutos, BIOGA ten entre os seus fins:

Aproveitar as oportunidades da innovación que presenta o sector das Ciencias da Vida como vector de crecemento económico e social.

Colaborar coa administración autonómica galega, co resto das administracións autonómicas, coa administración xeral do estado e coa administración europea, para o desenvolvemento dun marco legal e institucional de fomento da innovación no sector.

Apoiar o emprendemento e consolidación das empresas no sector das Ciencias da Vida.

Apoiar a expansión internacional das empresas no sector das Ciencias da Vida.

- Configurarse como clúster empresarial na comunidade autónoma de Galicia
- Promover a análise e a prospectiva permanente do sector e as súas tendencias a nivel español e internacional, así como a divulgación dos avances científicos e tecnolóxicos das Ciencias da Vida e os beneficios que achega á sociedade.
- Organizar actividades formativas orientadas ao sector das Ciencias da Vida.
- Realizar proxectos e actuacións de Investigación e Desenvolvemento para o sector das Ciencias da Vida.

Acadar financiamento e canalizar axudas para os asociados para o desenvolvemento de proxectos non ámbito das Ciencias da Vida.

Que BIOGA é a asociación empresarial máis representativa do sector biotecnolóxico en Galicia, aglutinando a maioría das organizacións integradas na cadea de valor do ecosistema biotecnolóxico. Na actualidade a asociación está integrada por 111 socios, tanto empresariais como institucionais.



O 14% dos socios de BIOGA están vinculados ao desenvolvemento e produción de fármacos e vacinas, o 16% ás novas tecnoloxías para a medicina personalizada, o 15% á alimentación funcional e nutracéutica para a saúde e o envellecemento activo, o 16% ao medio ambiente, economía circular e bioenerxía, o 11% á produción e aproveitamento agrogandeiro e forestal, o 8% á xestión e aproveitamento dos recursos mariños e o 20% ás tecnoloxías facilitadoras e servizos ao sector.

O clúster traballa para mellorar o posicionamento competitivo do sector biotecnolóxico galego, buscando a mellora competitiva e a xeración de negocio mediante o impulso de accións e servizos directamente dirixidos ás empresas do sector.

BIOGA creceu constantemente tanto en integrantes como en actividade centrando as súas accións en:

- Prestar servizos de interese directo ás empresas, especialmente durante os seus tres primeiros anos de vida en accións orientadas a potenciar o networking intersectorial, a través do seu programa de Bioalmorzos, o apoio ao emprendemento e o seu financiamento, mediante as lonxas de financiamento e o apoio ao crecemento e mellora competitiva a través de diversos servizos de formación e asesoramento.

Desenvolver proxectos sectoriais en colaboración con outras rexións co fin de aglutinar máis masa crítica para o tecido empresarial biotecnolóxico e captar financiamento rexional, estatal e europeo.

CUARTO.-

Que a Lei 5/2013, do 30 de maio, de fomento da investigación científica e a innovación de Galicia, ten por obxecto establecer o marco para o fomento da investigación e do desenvolvemento tecnolóxico, da transferencia e valorización de resultados e da innovación en Galicia en todas as súas vertentes, así como da súa xestión eficiente. Esta lei, no seu capítulo III, establece que o Plan Galego de Investigación e Innovación é o instrumento fundamental de planificación e coordinación das políticas en materia de investigación, transferencia, valorización e innovación en Galicia e confírelle no seu artigo 15.5 a consideración de plan



estratéxico de subvencións, para os efectos do establecido no artigo 5 da Lei 9/2007, do 13 de xuño, de subvencións de Galicia.

O 8 de abril de 2022, o Consello da Xunta de Galicia adoptou o acordo mediante o cal se aprobou a Estratexia de especialización intelixente (RIS3) de Galicia 2021-2027, que define o marco para as políticas de investigación e innovación na comunidade autónoma para este período. Como instrumento de planificación operativa para a súa implementación entre 2025 e 2027, o Consello da Xunta aprobou o 3 de febreiro de 2025 o Plan galego de investigación e innovación 2025-2027.

A RIS3 supuxo unha aposta sen precedentes polo sector da biotecnoloxía, polo seu papel destacado e esencial no desenvolvemento dos sectores estratéxicos para a comunidade, como o agromar-alimentario e a saúde.

No seu período 2021-2017, a RIS3 aborda a través da I+D+i tres grandes retos da economía e da sociedade galega. Para darlles resposta, a estratexia orienta as capacidades e os esforzos de investigación e innovación en Galicia, por unha banda, cara a tres prioridades temáticas transversais, e pola outra, reforza e impulsa o ecosistema galego de innovación a través de cinco obxectivos estratéxicos, arredor dos cales articula os instrumentos e actuacións que se desenvolverán integrados nos correspondentes programas. Estes instrumentos poden dirixirse a prioridades e ámbitos de priorización concretos ou ser horizontais en relación cos retos e prioridades.

Os instrumentos, apoios e actuacións que se desenvolven no marco da RIS3 en relación con cada obxectivo estratéxico recóllense nos correspondentes programas. O obxectivo estratéxico 3 busca completar e consolidar as cadeas de valor, ao tempo que o obxectivo estratéxico 5 impulsa a marca Galicia no ámbito da I+D+i como un activo que permite posicionar a Galicia no mundo e apancar investimento externo.

O presente convenio enmárcase na RIS3 de Galicia 2021-2027 respondendo aos tres retos e ás prioridades 1 (Sostibilidade) e 3 (Enfoque cara ás persoas). Ten como obxectivos estratéxicos completar e consolidar as cadeas de valor (obxectivo estratéxico 3) e impulsar a presenza internacional de Galicia neste ámbito (obxectivo estratéxico 5), integrándose, polo tanto, nos programas Completa e transfire e Posiciona da RIS3 de Galicia 2021-2027 e nos programas



Colaboración estratéxica e Posicionamento do Plan galego de investigación e innovación 2025-2027.

QUINTO.-

Que o Plan Galego de investigación e innovación 2025-2027 é o instrumento de planificación operativa da Xunta de Galicia para abordar durante o período 2025-2027 os retos e prioridades definidos na Estratexia de Especialización Intelixente (RIS3) de Galicia 2021-2027, o marco instrumental que estrutura todas as accións de I+D+i da Administración autonómica.

O seu obxectivo é definir os instrumentos, medidas e actuacións de apoio á I+D+i que a Xunta de Galicia implantará no período 2025-2027 e detallar os fondos públicos que se destinarán a este fin.

A biotecnoloxía forma parte do plan como unha das apostas fundamentais da Xunta de Galicia para o novo período, constituíndo unha das catro iniciativas transversais estratéxicas, denominadas de alto impacto, que permitirán concentrar recursos e materializar apostas concretas nos ámbitos de maior oportunidade para Galicia, como é a Biotecnoloxía, tanto no eido científico como empresarial.

A aposta estratéxica pola biotecnoloxía permite acelerar a adopción de solucións avanzadas, promover a internacionalización das empresas galegas e contribuír de forma significativa á sustentabilidade e resiliencia dos sectores produtivos.

SEXTO.-

Que en 2016 a Xunta de Galicia puxo en marcha a primeira estratexia para o impulso da biotecnoloxía en Galicia, a cal sentou as bases da Estratexia de Consolidación da Biotecnoloxía para o período 2021-2025. Este documento táctico asume a misión de situar a Galicia como polo de referencia en biotecnoloxía, fixando as liñas de actuación ata o horizonte do ano 2025.

Tanto a Estratexia de Impulso como a de Consolidación, definen unha serie de subsectores prioritarios: o aproveitamento dos recursos mariños e pesqueiros, a alimentación funcional e o envellecemento activo, os novos produtos e procesos para o sector lácteo, as novas tecnoloxías para o medicamento personalizado, a eficiencia na sanidade animal e derivados e a innovación aberta para o descubrimento de fármacos, aos que se suman como subsector transversal ou



das tecnoloxías facilitadoras: tics e bioinformática, química biolóxica, xenética, bioenxeñería e tecnoloxías ambientais.

A Xunta de Galicia vai continuar co apoio específico prestado dende o ano 2016 ao sector biotecnolóxico de Galicia a través das sucesivas estratexias, definindo unha nova Estratexia para o período 2026-2030 que contribúa a acadar a excelencia do sector biotecnolóxico en Galicia.

SÉTIMO.-

Que as agrupacións empresariais innovadoras son estruturas organizadas entre diversos actores económicos concibidos para estimular actividades innovadoras e novas formas de colaboración, así coma para o intercambio e transferencia de coñecementos, a creación de redes, a difusión de información e a colaboración entre as empresas e outras organizacións.

OITAVO.-

Que BIOGA responde á definición de agrupación empresarial innovadora -ou clúster- establecida no artigo 2 do Regulamento (UE) 651/2014 da Comisión, do 17 de xuño de 2014, polo que se declaran determinadas categorías de axudas compatibles co mercado interior, no sentido de que persegue a cooperación entre diversas institucións e empresas públicas e privadas relacionadas co sector biotecnolóxico en Galicia, estimulando a posta en marcha de actividades innovadoras e de novas formas de colaboración, así como o intercambio de coñecementos e a contribución efectiva á transferencia destes á industria da biotecnoloxía.

Ao mesmo tempo, BIOGA, de acordo co artigo 1 e 2 do anexo I do devandito regulamento europeo, cumpre cos requisitos de efectivos e límites financeiros establecidos para estar considerada coma unha empresa da categoría de peme, ao ser unha asociación que exerce, de forma regular, unha actividade económica ofertada a partir dun catálogo cos seguintes servizos: crecemento e mellora competitiva, innovación e impulso de proxectos, emprendemento e financiamento de proxectos, internacionalización e acceso a novos mercados e networking intersectorial no marco do sector biotecnolóxico.



NOVENO.-

Que o plan de actuacións de colaboración proposto por BIOGA para os anos 2026 e 2027 configúrase como axeitado para contribuír a acadar o concreto interese da Xunta de Galicia na promoción da biotecnoloxía e, consecuentemente, como medida idónea para complementar as actuacións que GAIN está implementando para apuntalar os avances alcanzados no sector biotecnolóxico empresarial galego, procede focalizar este convenio naqueles ámbitos onde BIOGA pode achegar valor engadido ao ecosistema. Todo isto en liña cos obxectivos e actuacións da Estratexia de Consolidación da Biotecnoloxía, coa Estratexia de Especialización Intelixente (RIS3) de Galicia 2021-2027, e co Plan Galego de investigación e innovación 2025-2027.

DÉCIMO.-

Que a Consellería de Educación, Ciencia, Universidades e Formación Profesional, a través de GAIN, e BIOGA consideran que estes convenios de colaboración son un instrumento eficaz de financiamento para a promoción da I+D+i de excelencia en Galicia, xa que promove e incentiva o esforzo na obtención de resultados de calidade.

Dada a especificidade do obxecto do convenio non procede a realización dunha convocatoria pública para o desenvolvemento das actuacións deste, debido ás especiais características e singularidade de BIOGA, na súa condición de entidade integradora dos intereses do sector biotecnolóxico en Galicia.

Por todo o anterior, a subscrición do presente convenio de colaboración representa o instrumento adecuado de apoio aos obxectivos estratéxicos do sector e de interese xeral pretendidos polas partes asinantes, circunstancia que determina a dificultade de promover a concorrência pública, aos efectos do establecido no artigo 15.2 da Lei 1/2016, do 18 de xaneiro, de transparencia e bo goberno, nos artigos 19 e 26 da Lei 9/2007, do 13 de xuño, de subvencións de Galicia e no artigo 40 do Decreto 11/2009, do 8 de xaneiro, polo que se aproba o regulamento da citada Lei.

Con estes fins as partes acordan subscribir o presente convenio segundo as seguintes,



CLÁUSULAS

PRIMEIRA.- Obxecto.

O presente convenio ten como obxecto determinar o marco de colaboración entre GAIN e BIOGA para a realización e execución de actuacións que impulsen a excelencia do sector biotecnolóxico empresarial galego, así como da súa cadea de valor (universidades, centros, empresas, spin-offs...). Deste xeito, búscase seguir potenciando o desenvolvemento da biotecnoloxía, como Tecnoloxía Facilitadora Esencial (TFE), e o apoio aos diversos sectores produtivos de Galicia.

As actuacións a desenvolver ao amparo do presente convenio detállanse no Anexo I, e estarán destinadas a:

Actuación 1. Custos relativos a servizos externos para o asesoramento e apoio en materia de innovación.

- Acción 1.1. Plan de Atracción Internacional a Galicia: Polo de atracción de talento, spin offs, startups, empresas, grandes corporacións e investigadores biotech a nivel nacional e internacional
- Acción 1.2. Programa de Innovación ColaBIOrativa
- Acción 1.3. Biocamp – Hackathon en Bioemprendemento

Actuación 2. Custos relativos ao funcionamento do clúster.

- Acción 2.1. Organización dos Premios BIOGA
- Acción 2.2. Apoio á Estratexia de Excelencia Biotech Galicia
- Acción 2.3. Accións orientadas a captar investimento privado para transferencia tecnolóxica
- Acción 2.4. Programa Biotech Showcase Galicia



SEGUNDA.- Financiamento

As actividades obxecto do presente convenio teñen un custo estimado de 349.572,73 €, para o que GAIN, concede unha subvención a fondo perdido de 250.000,00 € .

GAIN financiará as actuacións con cargo á aplicación orzamentaria 07.A2.561A.781.0 (código de proxecto 2019-00001) dos orzamentos da Comunidade Autónoma de Galicia para os anos 2026, e 2027, nos cales existe crédito adecuado e suficiente, de acordo coa seguinte distribución:

| | ANO 2026 | ANO 2027 | Total |
|-------------------------|---------------------|---------------------|---------------------|
| Orzamento total | 171.546,62 € | 178.026,11 € | 349.572,73 € |
| Axuda GAIN total | 125.000,00 € | 125.000,00 € | 250.000,00 € |

A modificación da distribución inicialmente aprobada rexerese segundo o previsto no artigo 26.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia. Así mesmo, de ser o caso, o reaxuste de anualidades farase de acordo co preceptuado no artigo 27 do mesmo corpo legal.

O convenio asinarase de acordo coa Orde do 11 de febreiro de 1998, pola que se regula a tramitación anticipada dos expedientes de gasto, modificada pola Orde do 27 de novembro de 2000 e pola Orde do 25 de outubro de 2001, que posibilita a tramitación anticipada dos expedientes de gasto, quedando condicionado á existencia de crédito adecuado e suficiente nos orzamentos da Comunidade Autónoma para o ano 2026.

TERCEIRA.- Gastos subvencionables e intensidade das axudas

1. De acordo co previsto no artigo 29 da Lei 9/2007, do 13 de xuño, de subvencións de Galicia, consideraranse subvencionables os gastos que, sen admitir dúbida, respondan á natureza da actividade subvencionada de acordo coa previsión de orzamento recollido no anexo II e que se realicen no período comprendido entre a data da sinatura e a data límite de xustificación da axuda establecida no convenio. En ningún caso o custo de adquisición dos gastos subvencionables poderá ser superior ao valor de mercado.



En ningún caso se considerarán gastos subvencionables, os impostos indirectos cando sexan susceptibles de recuperación ou compensación nin os impostos persoais sobre a renda. O imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención, parcial ou total, do IVE.

2. A contía máxima da axuda que pode ser concedida a BIOGA determinarase sobre o investimento total que se subvenciona e será conforme cos límites de intensidade previstos nos artigos 27 e 28 do Regulamento (UE) núm. 651/2014, da Comisión, do 17 de xuño de 2014, polo que se declaran determinadas categorías de axudas compatibles co mercado interior (DOUE núm. 187 do 26.06.2014), tendo en conta o seguinte:

- i. Nas accións relativas á actuación 1 do Anexo I, serán subvencionables os custos de servizos externos para o asesoramento e apoio en materia de innovación, de conformidade ao artigo 28.4.2 do do Regulamento (UE) núm. 651/2014, e cunha intensidade máxima do 100%, sempre no caso de que a entidade non recibise, ou teña en execución, axudas para servizos de asesoramento e apoio en materia de innovación superiores a 220.000,00 € nos últimos tres anos naturais (incluído o ano da presente convocatoria) 220.000 € en calquera período de 3 anos. No caso de superarse o límite antes citado, a intensidade de axuda estará limitada ao 50 % dos custos subvencionables para estes servizos.

A estes efectos, entenderanse estes servizos de conformidade coas definicións do artigo 2 do regulamento (UE) núm. 651/2014 seguintes:

- Custos de servizos de asesoramento en materia de innovación: consultoría, asistencia e formación nos ámbitos da transferencia de coñecemento, a adquisición, protección e explotación de activos inmateriais, e o uso de normas e regulamentos que os incorporan, así como a consultoría, a asistencia ou a formación sobre a introdución ou a utilización de tecnoloxías e solucións innovadoras (incluídas as tecnoloxías e as solucións dixitais).
- Custos de servizos de apoio en materia de innovación: o subministro ou accesos a bases de datos e servizos de almacenamento de datos, bibliotecas, estudo de investigación de mercados, laboratorios, etiquetaxe de calidade, ensaio,



experimentación e certificación ou outros servizos relacionados – incluídos os servizos prestados por organizacións de difusión de investigación e coñecementos, infraestruturas de investigación e infraestruturas de ensaio e experimentación ou outras agrupacións empresariais innovadoras distintas de BIOGA, co fin de desenvolver produtos, procesos ou servizos máis eficaces ou tecnoloxicamente avanzados, incluída a aplicación de tecnoloxías e solucións innovadoras (incluídas as tecnoloxías e as solucións dixitais).

- ii. Nas accións relativas á actuación 2 do Anexo I, serán subvencionables os custos de persoal e custos administrativos (servizos e colaboracións externas, gastos de viaxes relacionadas coas accións incluídas no Anexo I e gastos xerais, entendidos estes coma os custos indirectos) relativos ao funcionamento da agrupación empresarial innovadora, de conformidade ao artigo 27.8 do Regulamento (UE) núm. 651/2014, e cunha intensidade máxima do 55%, para levar a cabo a actividade da agrupación relativas a:
- facilitar a colaboración, o intercambio de información e a prestación ou a canalización de servizos especializados e personalizados de apoio ás empresas,
 - a comercialización da agrupación para aumentar a participación de novas empresas u organizacións e reforzar a visibilidade,
 - a xestión das instalacións da agrupación, a organización de programas de formación, talleres e conferencias para fomentar o intercambio de coñecementos e o traballo en redes, así como a cooperación transnacional.

O custo imputable por custes indirectos será o importe resultante de aplicar unha porcentaxe do 20% aos custos directos subvencionables da actividade 2, e non precisarán de xustificación adicional.

Detalle orzamentario por conceptos:



| CUSTOS | ANO 2026 | ANO 2027 | Total |
|---|---------------------|---------------------|---------------------|
| Actuación 1. Custos relativos a servizos externos para o asesoramento e o apoio en materia de innovación | 68.109,69 € | 60.190,31 € | 128.300,00 € |
| 1.1. Custos de servizos de asesoramento y apoio en materia de innovación | 68.109,69 € | 60.190,31 € | 128.300,00 € |
| Actuación 2. Custos relativos ao de funcionamento da agrupación empresarial | 103.436,93 € | 117.835,80 € | 221.272,73 € |
| 2.1. Custos de persoal | 33.500,00 € | 41.500,00 € | 75.000,00 € |
| 2.2. Servizos e subcontratacións | 48.000,00 € | 52.000,00 € | 100.000,00 € |
| 2.3. Gastos de viaxe | 4.697,44 € | 4.696,50 € | 9.393,94 € |
| 2.4. Custos indirectos (20% do sumatorio custes directos 2.1, 2.2 e 2.3) | 17.239,49 € | 19.639,30 € | 36.878,79 € |
| ORZAMENTO TOTAL | 171.546,62 € | 178.026,11 € | 349.572,73 € |
| AXUDA TOTAL | 125.000,00 € | 125.000,00 € | 250.000,00 € |
| Axuda para Custos relativos a Actuación 1 (100%) | 68.109,69 € | 60.190,31 € | 128.300,00 € |
| Axuda para Custos relativos a Actuación 2 (55%) | 56.890,31 € | 64.809,69 € | 121.700,00 € |

4. Atendendo ao establecido no artigo 27 da Lei 9/2007, de 13 de xuño, de subvencións de Galicia, BIOGA poderá subcontratar o 100% dos gastos considerados de funcionamento da agrupación subvencionados ao abeiro do presente convenio. A contratación con terceiros dos servizos de asesoramento e apoio en materia de innovación non se considera, en ningún caso, subcontratación por ser servizos de apoio nos que ten que incorrer o beneficiario para a realización por si mesmo da actividade subvencionada.

Respectando os límites establecidos no punto 7 do artigo 27 da Lei 9/2007, do 13 de xuño, de subvencións de Galicia, e o artigo 43 do Decreto 11/2009, de 8 de xaneiro, polo que se aproba o regulamento do citado texto legal, en ningún caso poderá concertar o beneficiario a execución total ou parcial das actividades subvencionadas con:



- a) Persoas ou entidades incursoas nalgunha das prohibicións do artigo 10 desta lei.
- b) Persoas ou entidades que percibisen outras subvencións para a realización da actividade obxecto de contratación.
- c) Intermediarios ou asesores nos que os pagamentos se definan como unha porcentaxe de custo total da operación, agás que o dito pagamento estea xustificado con referencia ao valor de mercado do traballo realizado ou dous servizos prestados.
- d) Persoas ou entidades vinculadas co beneficiario, segundo o establecido na Lei 9/2007, do 13 de xuño, de subvencións de Galicia.

Así mesmo, o artigo 27.3 da citada Lei 9/2007 establece que cando a actividade concertada con terceiros exceda do 20% do importe da subvención e o dito importe sexa superior a 60.000 €, a subcontratación estará sometida ao cumprimento dos seguintes requisitos:

- Que o contrato se subscriba por escrito.
- Que a súa subscripción a autorice previamente, a entidade concedente da subvención, por escrito.

5. No caso de adquisición de bens de equipo, ou a contratación de servizos ou subministracións e materiais, cando o importe do gasto subvencionable iguale ou supere os 15.000 euros no global do proxecto para un mesmo provedor, deberán achegarse un mínimo de tres ofertas de diferentes provedores, con carácter previo á contratación do compromiso para a prestación do servizo ou a entrega do ben, agás que polas súas especiais características dos gastos non exista no mercado suficiente número de entidades que os presten ou subministren. Estas excepcións deberán xustificarse. A elección entre as ofertas presentadas realizarase de conformidade con criterios de eficacia e economía, e achegarase unha memoria xustificativa cando a elección non recaia na proposta económica máis vantaxosa.

6. En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, GAIN poderá comprobar, dentro do período de prescrición, o custo así como o valor de mercado das actividades subcontratadas.



7. Procederá a revogación das subvencións, así como ao reintegro total ou parcial das cantidades percibidas e a esixencia de xuros de mora nos casos e termos previstos nos artigos 32 a 40 (capítulos I e II do Título II) da Lei 9/2007, de 13 de xuño, de subvencións de Galicia.

CUARTA.– Compromisos, publicidade e autorizacións

1. BIOGA comprométese a:

- Presentar previamente á sinatura do convenio:

- Declaración responsable de que cumpre coa condición de peme de acordo coas especificacións do artigo 2 do Anexo I do Regulamento (UE) nº 651/2014 na data da sinatura e que notificará calquera cambio que modifícase a súa inclusión dentro desta categoría.
- Documento acreditativo da inscrición dos estatutos, así como das súas diferentes modificacións no rexistro administrativo correspondente.
- Certificación do representante legal da entidade na que conste a identificación dos seus directivos, así como a data do seu nomeamento e modo de elección.
- Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 11.e) da Lei 9/2007, de 13 de xuño, de subvencións de Galicia.
- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- Declaración responsable de que non ten a consideración de empresa en crise conforme o disposto no artigo 2.18 do Regulamento (UE) 651/2014, do 17 de xuño, da Comisión.
- Declaración responsable de que non está suxeita a unha orde de recuperación pendente tras unha decisión previa da Comisión que tivese declarado unha axuda ilegal e incompatible co mercado común.



- Declaración complementaria das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou dos seus organismos ou sociedades. De ser o caso, deberá achegarse unha copia simple da resolución da concesión desas outras axudas.
 - Declaración do conxunto de axudas solicitadas ou recibidas durante os últimos 3 anos en virtude do artigo 28 do Regulamento (UE) núm. 651/2014, da Comisión, do 17 de xuño de 2014, polo que se declaran determinadas categorías de axudas compatibles co mercado interior (DOUE núm. 187 do 26.06.2014),
- Desenvolver as actividades do convenio seguindo as liñas de actuación establecidas no anexo I.
- Manter un sistema de contabilidade separado ou un código contable adecuado que facilite unha pista de auditoría apropiada en relación con todos os gastos correspondentes cos investimentos realizados ao abeiro desta resolución, e conservar a documentación xustificativa relativa a esta subvención durante un prazo de cinco anos, contados a partir do ano en que rematan as actividades obxecto da axuda.
- Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas respectivas funcións de fiscalización e control de destino das axudas concedidas e facilitará a inspección e control dos órganos de GAIN co fin de supervisar o cumprimento das actividades do convenio.
- Comunicar a GAIN a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais, tan pronto se teña coñecemento das mesmas.
- Subministrar toda a información necesaria para que GAIN poida dar cumprimento ás obrigas recollidas na Lei 1/2016, do 18 de xaneiro, de transparencia e bo goberno. No caso de que o beneficiario non atenda ao requirimento de información en prazo, procederase conforme ao establecido no artigo 4.4 do citado texto legal.
- Facilitar cantos datos resulten necesarios para a valoración do convenio no marco da avaliación da RIS3 de Galicia ou doutros mecanismos relacionados coa medición da I+D+i, entre



outros, as enquisas do INE. Os datos asignados aos citados instrumentos de avaliación deberán estar consignados á Comunidade Autónoma de Galicia.

- Seguir as normas sobre protección de datos, concretamente a Lei orgánica 15/1999, de 13 de decembro, de protección de datos de carácter persoal e as normas que a desenvolven.
- Cumprir co disposto no artigo 11 da Lei 9/2007, do 13 de xuño, de subvencións de Galicia.
- Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos por GAIN.
- Proceder ao reintegro, total ou parcial, dos fondos percibidos e máis os xuros de mora devindicados dende o momento do pagamento da subvención ata a data na que se acorde a procedencia do reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007, de subvencións de Galicia.
- Facer constar expresamente a colaboración prestada por GAIN, en todo o material de execución das actividades do convenio coa utilización do seu correspondente logotipo identificativo.

2. BIOGA dá consentimento expreso á GAIN para:

- a) O tratamento necesario dos datos relevantes deste convenio e a súa publicación na páxina web da Axencia Galega de Innovación e no Diario Oficial de Galicia, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.
- b) Incluír e facer público, a través do Portal de Transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas e subvencións recibidas ao abeiro do presente convenio.
- c) O cumprimento do disposto no artigo 20 da Lei 38/2003, do 17 de novembro, xeral de subvencións, polo que a información relativa ao convenio requirida no ordinal oitavo do devandito artigo será comunicada á Base de datos nacional de subvencións (BDNS).

3. Os asinantes do convenio manifestan o seu consentimento para que os seus datos persoais que consten no convenio, e máis o resto de especificacións contidas no mesmo, poidan ser publicados no Portal de Transparencia e Goberno Aberto.



4. A sinatura do convenio comportará a autorización ao órgano xestor para consultar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a consellería competente en materia de facenda da Xunta de Galicia segundo o establecido no artigo 20.3 da Lei 9/2007, do 13 de xuño. Non obstante, a entidade beneficiaria poderá opoñerse á consulta polo órgano xestor, e nese caso deberá presentar as certificacións nos termos previstos regulamentariamente.

QUINTA.– Condicións de pagamento.

1. Conforme ao estipulado no artigo 60 e 62 do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, GAIN, efectuará o pagamento anualmente da cantidade estipulada no convenio a BIOGA, previa comprobación da realización do obxecto do convenio e validada a documentación xustificativa presentada en GAIN, conforme o sinalado a continuación:

| | ANO 2026 | ANO 2027 |
|--|--------------------------------------|---------------------------------------|
| Orzamento total | 171.546,62 € | 178.026,11 € |
| Axuda GAIN | 125.000,00€ | 125.000,00€ |
| Período de realización de gastos | Dende a sinatura ata o 31.10.2026 | Dende o 1.11.2026 ata o 31.10.2027 |
| Data límite presentación documentación xustificativa | Ata o 12.11.2026 | Ata o 12.11.2027 |

2. En todo caso, só se considerará gasto realizado o que fose efectivamente pagado durante o período de execución até o fin do prazo de presentación da documentación xustificativa indicada no cadro anterior, sempre que se respecten os prazos de pagamento previstos na normativa sectorial que lle sexa de aplicación ou, na súa falta, nos establecidos na Lei 3/2004, do 29 de decembro, pola que se establecen medidas de loita contra a morosidade nas operacións comerciais, en aplicación da Lei 18/2022, do 28 de setembro, de crecemento e creación de empresas.

3. Exceptúanse desta regra xeral aqueles gastos cuxos pagamentos deban efectuarse nun momento posterior por se axustaren aos calendarios de recadación, como os ingresos á conta do IRPF ou cotas de seguros sociais liquidables con posterioridade á data de xustificación. A



entidade subvencionada quedará obrigada a presentar os documentos acreditativos do seu pagamento antes de finalizar o mes seguinte ao que o beneficiario lle corresponda liquidar eses gastos.

4. De non xustificar o importe total das actuacións desenvolvidas, GAIN, minorará a súa achega proporcionalmente, sempre e cando se acadara o obxecto do presente convenio.

5. Para a xustificación de cada pagamento, BIOGA achegará a documentación que se relaciona na cláusula seguinte acompañada dun informe/memoria das actividades desenvolvidas.

6. O pagamento realizarase unha vez comprobada a axeitada xustificación da subvención conforme co artigo 30 da Lei de subvencións de Galicia.

7. Por resolución motivada de GAIN, previa solicitude debidamente xustificada de BIOGA, poderán autorizarse pagos anticipados de ata o 70% do importe do convenio naqueles casos en que o investimento esixa pagamentos inmediatos de acordo co artigo 63 do Decreto 11/2009. Estes anticipos non poderán superar a anualidade prevista en cada exercicio orzamentario. Para a primeira anualidade, poderase solicitar ata o 100% do importe acordado para este período. Segundo o artigo 62 do Decreto 11/2009, a suma dos pagos a conta e dos anticipos non poderá ser superior ao 80% da porcentaxe subvencionada correspondente aos pagamentos xustificadas, nin excederá a anualidade prevista en cada exercicio orzamentario.

Se BIOGA quixera solicitar o anticipo, deberá presentar a solicitude no modelo do anexo III e deberá achegar a seguinte documentación complementaria:

- Declaración do conxunto de axudas solicitadas ou concedidas para o mesmo fin, de todas as administracións públicas.
- Certificación bancaria actualizada onde se materializará o pago.

O anticipo da segunda anualidade pagarase tras a revisión por parte de GAIN da xustificación da primeira anualidade. No caso de que a xustificación da primeira anualidade sexa insuficiente e dea lugar a unha minoración da subvención, detraeráse do importe para pagar, de ser o caso, o anticipo da segunda anualidade.

8. A realización dos citados pagamentos parciais á conta e anticipados, está exenta da constitución de garantías polo Consello da Xunta de Galicia conforme ao disposto no artigo



67.4 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SEXTA.– Forma de xustificación.

1. Como documentación xustificativa da realización das actividades do convenio e con arranxo ao sinalado no artigo 48 do Decreto 11/2009, BIOGA deberá presentar:

1.1. Unha Memoria de actuación xustificativa do cumprimento de cada unha das actuacións obxecto do convenio. Presentarase un informe final detallado para cada unha das actuacións, con indicación do cumprimento respecto ao planificado e os resultados obtidos, así como calquera entregable, material gráfico, folleto ou fotografías que se obteña no desenvolvemento de cada actividade.

1.2. Memoria económica da aplicación dos fondos destinados ao convenio, na que conste:

- A) Unha relación clasificada dos gastos e investimentos de cada actividade, con identificación do concepto de gasto, acredor e do documento, o seu importe, data de emisión e data de pagamento.
- B) Documentación xustificativa do investimento: documentos acreditativos dos gastos consistentes en facturas ou documentos de valor probatorio equivalente no tráfico xurídico mercantil ou con eficacia administrativa, segundo o establecido no artigo 28.3 da Lei 9/2007 e no artigo 48 do Decreto 11/2009. As facturas deberán conter suficiente información que permita relacionala co gasto xustificado. Cando o beneficiario non dispoña de facturas electrónicas, deberá achegar unha copia en formato .pdf dos documentos orixinais.
- C) Documentación xustificativa do pagamento: copia de transferencias bancarias, certificacións bancarias ou extractos bancarios, ou documentos obtidos a través da banca electrónica. Nestes documentos deberán estar claramente identificados o receptor e o emisor do pagamento que deberán ser o emisor da factura e o beneficiario da axuda, respectivamente; o número e o importe total da factura satisfeito. De non estar acreditado o pago íntegro mediante estes documentos nos prazos previstos na cláusula seguinte do presente convenio o gasto non será subvencionable.



No caso de que no documento de pagamento non se faga referencia ás facturas, deberá ir acompañado da documentación complementaria que permita verificar a correspondencia entre gasto e pagamento. Non se aceptarán aqueles documentos de pagamento que non permitan identificar claramente as facturas vinculadas ao proxecto a que corresponden.

No caso de que un xustificante de pagamento inclúa varias facturas, acompañarase dunha relación detallada delas en que se poida apreciar que o pagamento se corresponde coas devanditas facturas.

No caso de facturas pagadas conxuntamente con outras non referidas ao proxecto, será necesario presentar o correspondente extracto bancario acompañado da orde de pagamento da entidade coa relación detallada das facturas ou alternativamente un certificado de ter recibido o pagamento das facturas incluídas na conta xustificativa, emitido por parte do subministrador.

No caso de custos de persoal:

- Certificación dos custos de persoal emitida polo responsable de recursos humanos co visto e prace do responsable de BIOGA, consistente nunha relación detallada, por meses, do persoal dedicado ás actividades obxecto do convenio, que deberá incluír os seguintes datos: DNI, nome, apelidos, posto na entidade, retribución bruta e líquida mensual, data de pagamento das retribucións, importe da Seguridade Social con cargo a entidade, data de pagamento da Seguridade Social e custo total imputado (retribucións e seguridade social) segundo a dedicación de cada traballador ás actividades do convenio.
- Copia das nóminas do persoal adicado ás actividades do convenio e copias dos xustificantes bancarios do seu pagamento. Nos xustificantes de pagamento das nóminas deberán vir detallados os seus receptores, así como as cantidades percibidas por cada un deles. Cando a documentación xustificativa deste gasto conste dun xustificante bancario da remesa total mensual, deberá achegarse a listaxe da orde de transferencia en que se detallen os distintos traballadores incluídos, que deberá estar selada pola entidade bancaria.
- Boletíns de cotización á Seguridade Social e os seus xustificantes de pagamento.



- D) No suposto de que o importe do IVE supoña un custo real soportado, poderá ser considerado un gasto subvencionable só para os casos en que o seu importe non sexa recuperable total ou parcialmente. Neste caso, deberase presentar un certificado relativo á situación da entidade con respecto ao IVE, de exención ou rateo.
- E) Tres ofertas de diferentes provedores cando o importe do gasto subvencionable, no caso de adquisición de bens de equipo e contratación de servizos ou subministracións e materiais, iguale ou supere os 15.000 euros no global do proxecto cun mesmo provedor. Cando polas especiais características dos gastos non exista no mercado suficiente número de entidades que o presten ou subministren, deberá achegarse unha xustificación de tal circunstancia. Se a elección entre as ofertas presentadas non tivese recaído na proposta económica máis vantaxosa, deberá achegarse unha memoria xustificativa.
- F) Acreditación da publicidade realizada do financiamento de GAIN nas actividades financiadas polo presente convenio.
- G) Carta de pagamento de reintegro no suposto de remanentes non aplicados, así como os xuros derivados destes, conforme ao establecido no artigo 48.2.g) do Decreto 11/2009, do 8 de xaneiro.

2. Así mesmo, deberá presentar:

- A) Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 31.7 da Lei 9/2007, de 13 de xuño, de subvencións de Galicia, no caso de que o beneficiario se opoña a consulta polo órgano xestor.
- B) Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- C) Declaración complementaria das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou dos seus organismos ou sociedades. De ser o



caso, deberá achegarse unha copia simple da resolución da concesión desas outras axudas.

3. GAIN resérvase o dereito a solicitar toda a documentación que considere precisa, en relación coa xustificación do cumprimento do obxecto do convenio.

4. BIOGA presentará toda a documentación de xeito electrónico a través do procedemento PR004A-Presentación electrónica de solicitudes, escritos e comunicacións que non contén cun sistema electrónico específico nin cun modelo electrónico normalizado, a través da sede electrónica da Xunta de Galicia (<https://sede.xunta.gal/tramites-e-servizos/solicitud-xenerica>), cubrindo o modelo de solicitude xenérica e presentando a documentación como arquivos anexos á dita solicitude con indicación da referencia CVGAIN_BIOGA_2026 no asunto. A solicitude deberá dirixirse á Axencia Galega de Innovación dentro da Consellería de Educación, Ciencia, Universidades e Formación Profesional. Pola súa parte, GAIN realizará calquera requirimento por escrito a través do Sistema de notificacións de Galicia-Notifica.gal

SÉTIMA.- Compatibilidade con outras axudas

A subvención concedida para a Actividade 1 será incompatible con outras axudas ou subvencións para as mesmas actividades, xa que financian o máximo permitido dos custos subvencionables obxecto do convenio, conforme co establecido no Regulamento (UE) 651/2014 da Comisión, do 17 de xuño de 2014, artigos 27 e 28. A subvención concedida para a Actividade 2 poderá ser compatible con outras axudas ou subvencións sempre que conxuntamente non superen o custo do total dos mesmos.

OITAVA.- Seguimento e evolución do convenio

1. Para garantir a correcta execución e seguimento do pactado neste convenio, constituirase unha Comisión de Seguimento e Coordinación integrada por dous representantes de GAIN, un deles actuando como presidente e outro como secretario, e dous representantes de BIOGA, designados a tal efecto por cada parte.

2. Son funcións da Comisión de Seguimento e Coordinación as seguintes:

- Realizar o seguimento das actuacións do convenio.



- Propor solucións aos conflitos que puideran xurdir na aplicación e interpretación das cláusulas do convenio.
- Propor a GAIN variacións entre os importes asignados ás diferentes actuacións subvencionables recollidas no orzamento do convenio (Anexo II), que supoñan modificacións en algunha das actuacións subvencionables superiores ao 20% da previsión inicial, para adecualos á execución do convenio e sempre e cando estas variacións non supoñan un incremento do importe da subvención prevista para cada anualidade nin da subvención total.
- As que sexan precisas para garantir a correcta execución do convenio.

3. A Comisión reunirse as veces que sexan precisas á solicitude de calquera das partes asinantes.

4. Esta Comisión rexerese en canto a súa constitución, funcionamento e adopción de acordos pola normativa vixente en materia de órganos colexiados regulada na sección 3ª do capítulo primeiro do Título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

NOVENA.- Control

1. GAIN poderá realizar as actividades de inspección que considere oportunas para controlar o cumprimento da subvención.

2. En todo caso, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas.

DÉCIMA.- Alteración das actuacións.

1. Co fin de facilitar a execución do convenio e a petición de BIOGA, poderá modificarse por resolución da dirección de GAIN a redistribución da axuda concedida entre as distintas



actividades e accións, así como entre diferentes conceptos de gasto previstos no Anexo II, respectando sempre a intensidade máxima de axuda para cada actividade. Requirirase o informe favorable da Comisión de Seguimento e Coordinación prevista na cláusula oitava do convenio.

Todas estas modificacións deberán ser propostas previamente á Comisión de Seguimento e Coordinación do presente convenio.

Non se considera modificación substancial a redistribución do gasto entre as diferentes partidas e accións, sempre que sexa inferior ao 20% do custo total e non afecte aos obxectivos do convenio. Neste caso, informarase á citada comisión de seguimento.

O convenio poderá ser modificado coa finalidade de lograr os obxectivos de estabilidade orzamentaria e sustentabilidade financeira da Comunidade Autónoma de Galicia. Dita modificación formalizarase mediante a correspondente addenda.

DÉCIMO PRIMEIRA.- Inexistencia de relación laboral.

A subscrición do presente convenio, non implicará relación laboral, contractual ou de calquera outro tipo entre os profesionais que vaian a desenvolver as actuacións obxecto deste convenio con GAIN, de tal xeito que non se lle poderá esixir a esta Axencia responsabilidade ningunha, nin directa nin subsidiariamente, polos actos ou feitos acaecidos no desenvolvemento do mesmo.

DÉCIMO SEGUNDA.- Autonomía do beneficiario

BIOGA manterá a súa autonomía respecto da Administración, o que supón que, a pesar de que a súa actividade favorece o interese xeral, a Administración non percibe a cambio da súa entrega unha vantaxe ou beneficio que afecte de forma directa a aquelas actividades que a Administración debe asumir como propias no exercicio de competencias que as normas lle atribúen. Deste xeito, BIOGA será propietario intelectual dos traballos resultantes, co compromiso de poñelos a disposición de todas as empresas do sector biotecnolóxico de Galicia de forma indiscriminada.



DÉCIMO TERCEIRA.- Resolución

1. Serán causas de resolución do presente convenio procedendo ao reintegro, total ou parcial, da axuda percibida e dos xuros de mora correspondente dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

2. En especial, son causas de resolución do presente convenio as seguintes:

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.
- O incumprimento de calquera outra das cláusulas establecidas no convenio
- O transcurso do tempo estipulado sen que se desenvolva o mesmo.
- O acordo mutuo das partes.
- O incumprimento total dos fins/obxectivos do convenio, determinado a través dos mecanismos de seguimento e control, da realización do investimento financiable ou da obriga de xustificación, serán causa de perda do dereito ao cobramento ou de reintegro total da subvención.

3. Considerarase igualmente como incumprimento total a xustificación de menos do 50% do gasto subvencionable recollido no anexo II do convenio, coas consecuencias previstas no paragrafo anterior.

4. No caso de que se xustifique un gasto subvencionable inferior ao recollido no anexo II, pero igual ou superior ao 50% daquel, considerarase a existencia dun incumprimento parcial e dará lugar á perda do dereito ao cobramento da subvención na porcentaxe correspondente ao gasto ou investimento non xustificada.

5. O incumprimento parcial dos fins/obxectivos do convenio dará lugar á perda do dereito ao cobramento ou ao reintegro parcial da subvención na porcentaxe que se determine nos informes de seguimento.



DÉCIMO CUARTA.- Natureza e resolución de conflitos

1. O presente convenio ten carácter administrativo e asínase ao abeiro dos artigos 19.4 e 26 da Lei 9/2007, de 13 de xuño, de Subvencións de Galicia, rexéndose para os seus efectos polo establecido nas súas cláusulas e polas previsións do Decreto 11/2009, de 8 de xaneiro, polo que se aproba o regulamento do citado texto legal.
2. GAIN ostentará as potestades específicas derivadas da relación xurídica subvencionadora. Os actos ditados en exercicio das devanditas potestades serán de coñecemento e competencia da Orde Xurisdiccional do Contencioso-Administrativo.
3. As axudas obxecto do presente convenio están dirixidas á realización de actividades de I+D+i sen ánimo de lucro por parte dunha agrupación empresarial innovadora, que á súa vez cumpre coa condición de peme, segundo as definicións recollidas no Regulamento (UE) 651/2014 da Comisión. Este programa de actividades redundará no beneficio de todas as empresas do sector biotecnolóxico, dun xeito indiscriminado sen que supoña beneficio económico para BIOGA, polo que cumpre normativa europea de aplicación.
4. O obxectivo é estimular a actividade investigadora mediante o intercambio de coñecementos, a contribución efectiva á transferencia de coñecemento, a difusión de información e a colaboración entre as empresas e outras organizacións da agrupación.

DÉCIMO QUINTA.- Vixencia do convenio

O presente convenio estará vixente desde a data da súa sinatura ata o 12 de novembro de 2027.

E en proba de conformidade, asinan o presente convenio, na data da sinatura electrónica.

O conselleiro de Educación, Ciencia,
Universidades e Formación Profesional e
presidente da Axencia Galega de Innovación e,

O presidente da Asociación BIOGA-Clúster
Tecnolóxico Empresarial das Ciencias da Vida

Román Rodríguez González

José Manuel López Vilariño



ANEXO I - FICHAS DE ACTUACIÓNS A REALIZAR NO MARCO DO CONVENIO BIOGA | GAIN 2026-2027

As actuacións para levar a cabo por BIOGA en colaboración con GAIN son as seguintes:

Actuación 1. Custos relativos a servizos externos para o asesoramento e apoio en materia de innovación.

- Acción 1.1. Plan de Atracción Internacional a Galicia: Polo de atracción de talento, spin offs, startups, empresas, grandes corporacións e investigadores biotech a nivel nacional e internacional
- Acción 1.2. Programa de Innovación ColaBIOrativa
- Acción 1.3. Biocamp – Hackathon en Bioemprendemento

Actuación 2. Custos relativos ao funcionamento do clúster.

- Acción 2.1. Organización dos Premios BIOGA
- Acción 2.2. Apoio á Estratexia de Excelencia Biotech Galicia
- Acción 2.3. Accións orientadas a captar investimento privado para transferencia tecnolóxica
- Acción 2.4. Programa Biotech Showcase Galicia

A continuación detállanse os orzamentos e o alcance de cada unha das actuacións:





ACTUACIÓN 1: CUSTOS RELATIVOS A SERVIZOS EXTERNOS PARA O ASESORAMENTO E O APOIO EN MATERIA DE INNOVACIÓN

| | |
|---|--|
| <p>Acción 1.1.</p> | <p>Plan de Atracción Internacional a Galicia: Polo de atracción de talento, spin offs, startups, empresas, grandes corporacións e investigadores biotech a nivel nacional e internacional</p> |
| <p>Obxectivo</p> | <p>O obxectivo do Plan de Atracción Internacional céntrase na execución e captación efectiva de talento internacional, consolidando o posicionamento de Galicia como hub de innovación biotecnolóxica.</p> <p>O proxecto desenvolverase durante os anos 2026 e 2027, co obxectivo de atraer 12 talentos internacionais previamente identificados e co compromiso da súa integración no ecosistema galego.</p> <p>A iniciativa centrarse en torno ao Biopolo Sionlla, a través da infraestrutura e servizos que ofrece, espazo tractor do Plan de Atracción Internacional, actuando como porta de entrada preferente para startups, empresas e investigadores internacionais que escollen Galicia para instalarse, testar ou escalar as súas solucións biotecnolóxicas.</p> <p>A execución estruturarase arredor de tres eixes principais:</p> <ul style="list-style-type: none"> • Atracción e selección de talento e startups. • Acompañamento e implementación efectiva en Galicia. • Medición de resultados e impacto no ecosistema. |
| <p>Tarefas</p> | <ul style="list-style-type: none"> • Identificar, contactar e seleccionar perfís internacionais de alto valor no ámbito biotech. • Mentorización e conexión co ecosistema industrial galego. • Organización de visitas in situ en Galicia con sesións de <i>networking</i> e <i>matchmaking</i> con axentes do ámbito industrial e do I+D+i galegos. • Facer seguimento trimestral do grao de implantación e actividade. |
| <p>Impactos cualitativos esperados</p> | <ul style="list-style-type: none"> • Reforzo da marca Galicia como ecosistema biotecnolóxico. • Atracción de talento e empresas internacionais. • Establecemento de colaboracións transnacionais e <i>networking</i>. • Reforzar a imaxe do Bipolo Sionlla como oficina de atracción e porta de entrada ao ecosistema biotech. |
| <p>Indicadores cuantitativos</p> | <ul style="list-style-type: none"> • 12 axentes, entre eles empresas, startups ou investigadores internacionais atraídos. • 2 eventos organizados con visitas in situ e <i>matchmaking</i>. • Un plan de divulgación internacional do Plan en 4 feiras internacionais por ano. (8 en total) |



| | | | |
|-----------------------------|---|-------------|--------------|
| Entregable/s | <ul style="list-style-type: none"> Informe anual de impacto e contactos. Organización dos 2 eventos organizados. Listaxe de empresas e investigadores atraídos. Material promocional internacional elaborado para o plan. | | |
| Orzamento | 2026 | 2027 | Total |
| en servizos externos | 38.109,69 € | 41.890,31 € | 80.000€ |

| | |
|-------------------|--|
| Acción 1.2 | Programa de Innovación ColaBIOrativa |
| Obxectivo | <p>O obxectivo principal deste programa é a creación de grupos de traballo interempresariais para resolver retos tecnolóxicos comúns para fomentar a innovación aberta e a cooperación entre empresas biotecnolóxicas, industrias tractoras e axentes do sistema galego de coñecemento, reforzando a capacidade de innovación, transferencia e internacionalización do ecosistema biotech galego.</p> <p>O Programa de Innovación ColaBIOrativa pretende converterse nun espazo dinámico de conexión entre o tecido empresarial biotecnolóxico galego, as industrias tractoras doutras áreas produtivas e os axentes de investigación (centros tecnolóxicos, universidades e grupos de I+D).</p> <p>O obxectivo é impulsar a innovación aberta e a transferencia efectiva de coñecemento desde o ámbito científico cara ao tecido produtivo, favorecendo a creación de solucións biotecnolóxicas aplicadas a retos reais da industria.</p> <p>Os grupos de traballo interempresariais funcionarán como laboratorios de innovación, nos que empresas, investigadores e expertos compartirán experiencias, capacidades e recursos para xerar proxectos piloto de alto impacto e potencial de mercado. Estes espazos promoverán o intercambio de coñecemento científico e tecnolóxico, facilitando a validación de novas tecnoloxías e o desenvolvemento de aplicacións industriais a partir dos resultados da investigación.</p> |
| Tarefas | <ul style="list-style-type: none"> Identificación de retos tecnolóxicos comúns e das empresas e entidades participantes (industria, centros de investigación, startups). Organización de reunións periódicas e workshops temáticos para o deseño de solucións e proxectos colaborativos. Presentación de convocatorias de financiación pública e privada para apoiar o desenvolvemento dos proxectos, incluíndo instrumentos nacionais (GAIN e outros organismos da Xunta de Galicia), europeos (Horizon Europe, EIC, Interreg) e fondos de co-investimento sectoriais. Seguimento e documentación dos proxectos piloto e das aprendizaxes |



| | | | |
|--|---|-------------|--------------|
| | derivadas das colaboracións. | | |
| Impactos cualitativos esperados | <ul style="list-style-type: none"> • Fortalecemento das capacidades innovadoras das empresas. • Desenvolvemento de proxectos piloto con potencial de mercado. • Incremento da transferencia tecnolóxica e colaboración intersectorial. | | |
| Indicadores cuantitativos | <ul style="list-style-type: none"> • Un mínimo de 3 grupos de traballo activos. • 2 workshops temáticos para o deseño de solucións. • Un mínimo de 3 propostas de proxectos desenvolvidos por ano. | | |
| Entregable/s | <ul style="list-style-type: none"> • Informe dos grupos de traballo activos. • Organización dos 2 workshops temáticos. • Actas de reunións e listaxe de empresas participantes. • Documentación de proxectos piloto. | | |
| Orzamento en servizos externos | 2026 | 2027 | Total |
| | 15.000,00 € | 8.300,00 € | 23.300,00 € |

| | |
|-------------------|--|
| Acción 1.3 | Biocamp – Hackathon en Bioemprendemento |
| Obxectivo | <p>Programa intensivo de innovación e emprendemento biotecnolóxico con formato de <i>hackathon</i>, no que equipos multidisciplinares de investigadores, estudantes e profesionais desenvolven solucións innovadoras a retos reais do sector biotech.</p> <p>O Biocamp – Hackathon en Bioemprendemento propón un espazo de innovación aberta e aceleración de ideas, no que se combina formación práctica, traballo colaborativo e mentoría especializada. Durante varios días de intensa actividade, os participantes traballan en equipos para transformar resultados de investigación ou ideas emerxentes en proxectos de negocio viables, con apoio de mentores, expertos en mercado e representantes de empresas tractoras.</p> <p>O programa busca fomentar o espírito emprendedor dentro da comunidade científica e impulsar a transferencia de coñecemento ao tecido produtivo, promovendo a creación de novas iniciativas empresariais biotecnolóxicas en Galicia.</p> <p>O seu obxectivo é impulsar o emprendemento biotecnolóxico mediante un formato práctico, dinámico e colaborativo, que permita converter ideas e resultados de investigación en proxectos empresariais listos para captar investimento e consolidarse no ecosistema galego de innovación.</p> |



| | |
|--|--|
| | <p>Espérase que participen na iniciativa entidades de índole internacional como investigadores do Imperial College ou similares, e empresas tractoras de referencia internacional e con alto valor de transferencia de tecnoloxía e innovación.</p> <p>O Biocamp, como hackathon especializado en bioemprendemento, tamén ten por obxectivos ser instrumento clave para activar un pipeline estable de CEOs, cofundadores e líderes empresariais capaces de transformar resultados de investigación en proxectos biotech investibles na comunidade galega co fin de cubrir unha das súas necesidades máis críticas: liderado empresarial cualificado para impulsar spin-offs e startups de alto impacto nas áreas científicas.</p> |
| Tarefas | <ul style="list-style-type: none"> • Deseño dos retos e das áreas temáticas do hackathon (saúde, agrobiotech, industria sostible, etc.). • Convocatoria e selección de participantes, mentores e empresas colaboradoras. • Organización do evento presencial intensivo (1 día de duración) e de sesións virtuais previas de preparación. • Identificar e contactar perfís de CEO e líderes empresariais internacionais especializados en biotech, deeptech e spin-offs, que poidan formar equipos con investigadores galegos en proxectos de transferencia de coñecemento. • Dinamización dos equipos e seguimento por mentores especializados en modelo de negocio, regulatorio e financiamento. • Demo Day ante un panel de investidores, empresas tractoras e representantes do ecosistema biotech. |
| Impactos cualitativos esperados | <ul style="list-style-type: none"> • Estímulo da cultura emprendedora e da transferencia de coñecemento no ámbito biotecnolóxico. • Xeración de proxectos e spin-offs con potencial de mercado e impacto social. • Reforzo das conexións entre investigación, industria e investimento. • Proxección de Galicia como territorio innovador e atractivo para o emprendemento biotech. |
| Indicadores cuantitativos | <ul style="list-style-type: none"> • Unha media de 30 participantes por edición. • 8 proxectos presentados no Demo Day. • 3 proxectos que continúan en fase de aceleración ou incubación. • 20 mentores e expertos participantes (CEOs ou líderes empresariais). |
| Entregable/s | <ul style="list-style-type: none"> • 2 edicións organizadas. • Informe final con resultados, aprendizaxes e proxectos xerados. • Listaxe de participantes, mentores e entidades colaboradoras. |



| | | | |
|---------------------------------------|--|-------------|--------------|
| | <ul style="list-style-type: none"> Documentación dos proxectos presentados (pitch, resumo executivo e avaliación de viabilidade). | | |
| Orzamento en servizos externos | 2026 | 2027 | Total |
| | 15.000,00 € | 10.000,00 € | 25.000,00 € |

ACTUACIÓN 2: CUSTOS RELATIVOS AO FUNCIONAMENTO DO CLÚSTER

| | | | |
|--|---|-------------|--------------|
| Acción 2.1. | Organización dos Premios BIOGA | | |
| Obxectivo | Recoñecer a labor das empresas pioneiras do sector da biotecnoloxía de Galicia e valorar e promover o talento dos emprendedores no sector. | | |
| Tarefas | Organización de 2 convocatorias dos Premios BIOGA: <ul style="list-style-type: none"> Lanzamento da Convocatoria dos premios. Reunión do Xurado e elección dos gañadores. Entrega dos premios. | | |
| Impactos cualitativos esperados | <ul style="list-style-type: none"> Identificación das mellores ideas e logros das empresas ou proxectos do ecosistema biotech galego. Maior visibilidade dos fitos alcanzados ou novos modelos de negocio no mercado. | | |
| Indicadores cuantitativos | <ul style="list-style-type: none"> 40 entidades participantes nas 2 edicións dos Premios. Entrega de servizos ás entidades gañadoras polo valor de 12.000€ | | |
| Entregable/s | <ul style="list-style-type: none"> Convocatoria dos Premios e informe do Xurado. 2 entregas de Premios celebradas. | | |
| Orzamento | 2026 | 2027 | Total |
| Personal | 5.000,00 € | 5.000,00 € | 10.000,00 € |
| Gastos de viaxe | 197,44 € | 196,50 € | 393,94 € |
| Servicios y subcontratación | 15.000,00 € | 15.000,00 € | 30.000,00 € |

| | | | |
|--------------------|---|--|--|
| Acción 2.2. | Apoio á Estratexia de Excelencia Biotech Galicia | | |
| Obxectivo | Colaboración activa coas administracións pertinentes, ademais da Axencia Galega de Innovación, para o desenvolvemento, actualización e provisión de | | |



| | |
|--|--|
| | <p>datos clave sobre o ecosistema biotecnolóxico galego, incluíndo a elaboración e actualización do Informe BIO, para alimentar a nova Estratexia de Excelencia do Sector Biotech de Galicia.</p> <p>Esta acción consiste en recoller, analizar e sistematizar información actualizada sobre empresas, centros de investigación, startups, proxectos, talento e investimento no sector biotecnolóxico galego. O obxectivo é ofrecer á Xunta de Galicia datos precisos e fiables que sirvan de base para a formulación e seguimento da Estratexia de Excelencia Biotech, así como para a identificación de oportunidades de innovación, colaboración e financiamento.</p> <p>Ademais, a acción permitirá xerar indicadores de desempeño do sector e ofrecer recomendacións para potenciar o crecemento sostible, a internacionalización e a transferencia de coñecemento, vinculándose directamente coa planificación de políticas públicas e medidas de apoio ao ecosistema biotech.</p> |
| Tarefas | <ul style="list-style-type: none"> • Recollida e sistematización de datos actualizados sobre empresas, proxectos, centros de I+D e startups biotech en Galicia. • Actualización anual do Informe BIO con indicadores clave: emprego, investimento, internacionalización, proxectos colaborativos e innovación. • Análise de tendencias e identificación de retos e oportunidades no ecosistema biotech. • Elaboración de informes e documentación de apoio para a Xunta de Galicia. • Presentación de resultados e participación en reunións ou mesas de traballo vinculadas á Estratexia de Excelencia. • Actualización semestral dos KPIs macro vinculados ao sector biotech. |
| Impactos cualitativos esperados | <ul style="list-style-type: none"> • Mellora do coñecemento do ecosistema biotech galego por parte das administracións públicas e axentes do sector. • Apoio á toma de decisións estratéxicas baseadas en datos fiables e actualizados. • Potenciación de Galicia como referencia en innovación biotecnolóxica. • Identificación de oportunidades de investimento, colaboración e internacionalización para empresas e centros de coñecemento e investigación. |
| Indicadores cuantitativos | N/A |
| Entregable/s | <ul style="list-style-type: none"> • 2 Informes Bio actualizados. |



| | | | |
|-----------------------------|--|-------------|--------------|
| | <ul style="list-style-type: none"> Informe de tendencias, retos e oportunidades no ecosistema biotech. Documentación para a Xunta con recomendacións de medidas e accións. Informes semestrais cos KPIs macro actualizados. Actas e resultados de reunións ou mesas de traballo. | | |
| Orzamento | 2026 | 2027 | Total |
| | | | |
| Personal | 10.000,00 € | 10.000,00 € | 20.000,00 € |
| Gastos de viaxe | 1.000,00 € | 1.000,00 € | 2.000,00 € |
| Servicios y subcontratación | 6.000,00 € | 6.000,00 € | 12.000,00 € |

| | |
|--------------------|--|
| Acción 2.3. | Accións orientadas a captar investimento privado para transferencia tecnolóxica |
| Obxectivo | <p>Facilitar o acceso a financiamento privado para proxectos biotecnolóxicos con alto potencial de transferencia tecnolóxica desde a investigación ao mercado. O programa combina formación en emprendemento, mentoría especializada e actividades de conexión con investidores e empresas tractoras, garantindo que as innovacións desenvolvidas en centros de investigación ou startups cheguen a aplicacións reais no sector produtivo.</p> <p>O obxectivo principal é fomentar a transferencia efectiva de coñecemento e tecnoloxía, apoiando proxectos que poidan consolidarse no mercado e contribuír ao fortalecemento do ecosistema biotech galego.</p> <p>Impulsar o financiamento de proxectos biotecnolóxicos orientados á transferencia de tecnoloxía, reforzando a súa viabilidade comercial, escalabilidade e impacto no tecido industrial e científico galego.</p> <p>Tamén se busca fortalecer a interacción entre investigadores e perfís directivos (CEOs, managers, business developers) capaces de transformar a innovación en empresas e proxectos investibles.</p> |
| Tarefas | <ul style="list-style-type: none"> Lanzamento da convocatoria: identificación de proxectos con potencial de transferencia tecnolóxica e preparación de dossiers de investimento. Organización de xornadas BioTransfer Pitch ante investidores privados e corporacións interesadas. Mentoring e formación en modelos de negocio, estratexias de financiamento e comercialización de tecnoloxía. Actualización do directorio de investidores e empresas colaborado- |



| | <p>ras interesados en innovación biotech.</p> <ul style="list-style-type: none"> • Seguimento e avaliación dos proxectos para medir o impacto da transferencia e as oportunidades de co-inversión. • Organización de xornadas “Voces que inspiran” con presentación de casos de uso que sirvan de experiencia para os proxectos que se lanzan ao mercado. • Creación da Rede de Managers/CEOs como catalizadores de investimento. • Organización dun encontro <i>Managing Day</i>, encontro entre Managers/CEOs e proxectos en busca de investimento. | | | | | | | | | | | | | | | | |
|--|---|-------------|-------------|------|-------|----------|------------|-------------|-------------|-----------------|----------|----------|------------|-----------------------------|-----|-------------|-------------|
| Impactos cualitativos esperados | <ul style="list-style-type: none"> • Mellora da transferencia de coñecemento e tecnoloxía desde investigacións a produtos ou servizos reais. • Incremento do acceso a financiamento privado especializado para proxectos de alto impacto. • Consolidación de startups e proxectos con capacidade de escalar tecnoloxías innovadoras. • Fortalecemento da colaboración entre investigación, industria e investidores. | | | | | | | | | | | | | | | | |
| Indicadores cuantitativos | <ul style="list-style-type: none"> • 10 proxectos presentados anualmente ante investidores. • 20 investidores e empresas involucradas por edición. | | | | | | | | | | | | | | | | |
| Entregable/s | <ul style="list-style-type: none"> • 1 evento organizado en 2027. • Informe anual de proxectos financiados e status da transferencia. • Listado de investidores e empresas involucradas. • Documentación técnica e comercial dos proxectos avaliados. • Listado de Managers/CEOs especializados en transferencia de coñecemento ou bioemprendemento. | | | | | | | | | | | | | | | | |
| Orzamento | <table border="1"> <thead> <tr> <th></th> <th>2026</th> <th>2027</th> <th>Total</th> </tr> </thead> <tbody> <tr> <td>Personal</td> <td>6.000,00 €</td> <td>14.000,00 €</td> <td>20.000,00 €</td> </tr> <tr> <td>Gastos de viaxe</td> <td>500,00 €</td> <td>500,00 €</td> <td>1.000,00 €</td> </tr> <tr> <td>Servicios y subcontratación</td> <td>- €</td> <td>16.000,00 €</td> <td>16.000,00 €</td> </tr> </tbody> </table> | | 2026 | 2027 | Total | Personal | 6.000,00 € | 14.000,00 € | 20.000,00 € | Gastos de viaxe | 500,00 € | 500,00 € | 1.000,00 € | Servicios y subcontratación | - € | 16.000,00 € | 16.000,00 € |
| | 2026 | 2027 | Total | | | | | | | | | | | | | | |
| Personal | 6.000,00 € | 14.000,00 € | 20.000,00 € | | | | | | | | | | | | | | |
| Gastos de viaxe | 500,00 € | 500,00 € | 1.000,00 € | | | | | | | | | | | | | | |
| Servicios y subcontratación | - € | 16.000,00 € | 16.000,00 € | | | | | | | | | | | | | | |

| | |
|--------------------|---|
| Acción 2.4. | Programa Biotech Showcase Galicia |
| Obxectivo | Programa de representación, promoción e visibilidade do ecosistema biotecnolóxico galego en feiras, congresos e eventos nacionais e |



| | |
|---|---|
| | <p>internacionais de referencia no sector biotech.</p> <p>O Biotech Showcase Galicia busca posicionar a Galicia como un territorio de innovación biotecnolóxica, promovendo a participación coordinada das súas empresas, centros de investigación e institucións en espazos de visibilidade global. A acción pretende fortalecer a marca colectiva do ecosistema galego, fomentar o intercambio de coñecemento e abrir novas canles de colaboración científica, empresarial e institucional.</p> <p>A través da presenza en feiras especializadas, misións empresariais e eventos de innovación, impulsarase unha imaxe sólida e cohesionada da biotecnoloxía galega, destacando o seu talento, capacidade tecnolóxica e compromiso coa sustentabilidade e a saúde. Ademais, promoveranse accións de networking e difusión para aumentar o recoñecemento e o impacto do sector dentro e fóra de Galicia.</p> <p>O fin desta acción é a de reforzar a proxección exterior e o posicionamento estratéxico do ecosistema biotecnolóxico galego, promovendo a súa participación activa en espazos de innovación e investimento nacionais e internacionais.</p> <p>As accións levaranse a cabo arredor das feiras e eventos de interese para o sector biotecnolóxico como Galicia Biodays 2026, Biospain 2026 e 2027, Bioeurope 2026 e outros similares. No caso das actividades Galicia Biodays e Biospain en 2026 espérase que esta actividade xere a maior visibilidade para a Xunta de Galicia como entidade promotora na involucración do ecosistema biotech galego.</p> |
| <p>Tarefas</p> | <ul style="list-style-type: none"> • Identificación e planificación anual de eventos e feiras de interese estratéxico, principalmente Galicia Biodays 2026, Biospain 2026 e 2027. • Coordinación da participación conxunta de empresas, centros e institucións galegas. • Deseño e produción de materiais de comunicación e promoción do sector. • Organización de actividades paralelas (networking, presentacións, encontros con investidores). • Recollida e análise de resultados e oportunidades xeradas. • Actualización da información de promoción "GaliciaBio". |
| <p>Impactos cualitativos esperados</p> | <ul style="list-style-type: none"> • Maior visibilidade e recoñecemento da biotecnoloxía galega a nivel nacional e internacional. • Incremento das relacións e colaboracións con axentes doutros ecosistemas biotech. • Fortalecemento da marca Galicia como referente en innovación biotecnolóxica. • Mellora do posicionamento das empresas e centros galegos para captar investimento e talento. |



| | | | |
|----------------------------------|---|-------------|--------------|
| Indicadores cuantitativos | <ul style="list-style-type: none"> • 6 participacións anuais en feiras e eventos nacionais e internacionais. • 30 entidades galegas representadas. • 50 encontros de networking e reunións B2B organizadas ou facilitadas. • 10 acordos, proxectos ou colaboracións derivadas da participación. • Xeración de 160 novos contactos de interese. | | |
| Entregable/s | <ul style="list-style-type: none"> • Informe anual de participacións, contactos e resultados. • Material gráfico e promocional "GaliciaBio" actualizado. • Listaxe de entidades participantes e oportunidades identificadas. • Avaliación do impacto en visibilidade e posicionamento. • Base de datos cos contactos xerados. | | |
| Orzamento | 2026 | 2027 | Total |
| Personal | 12.500,00 € | 12.500,00 € | 25.000,00 € |
| Gastos de viaxe | 3.000,00 € | 3.000,00 € | 6.000,00 € |
| Servicios y subcontratación | 27.000,00 € | 15.000,00 € | 42.000,00 € |



ANEXO II– CADRO ORZAMENTARIO DESAGREGADO

| | | | 2026 | 2027 | Total |
|---|--|-----------------------------|---------------------|---------------------|---------------------|
| TOTAL PRESUPUESTO | | | 171.546,62 € | 178.026,11 € | 349.572,73 € |
| TOTAL AYUDA | | | 125.000,00 € | 125.000,00 € | 250.000,00 € |
| APORTACIÓN BIOGA | | | 46.546,62 € | 53.026,11 € | 99.572,73 € |
| Conceptos | | | | | |
| Acción 1.1 | Plan de Atracción Internacional a Galicia: Polo de atracción de talento, spin offs, startups, empresas, grandes corporacións e investigadores biotech a nivel nacional e internacional | Servicios externos | 38.109,69 € | 41.890,31 € | 80.000,00 € |
| Acción 1.2 | Programa de Innovación ColaBIOrativa | Servicios externos | 15.000,00 € | 8.300,00 € | 23.300,00 € |
| Acción 1.3 | Biocamp – Hackathon en Bioemprendemento | Servicios externos | 15.000,00 € | 10.000,00 € | 25.000,00 € |
| Subtotal Actuación 1 | | | 68.109,69 € | 60.190,31 € | 128.300,00 € |
| | | | Ayuda (100%) | 60.190,31 € | 128.300,00 € |
| Acción 2.1 | Organización dos Premios BIOGA | Personal | 5.000,00 € | 5.000,00 € | 10.000,00 € |
| | | Gastos de viaxe | 197,44 € | 196,50 € | 393,94 € |
| | | Servicios y subcontratación | 15.000,00 € | 15.000,00 € | 30.000,00 € |
| Acción 2.2 | Apoio á Estratexia de Excelencia Biotech Galicia | Personal | 10.000,00 € | 10.000,00 € | 20.000,00 € |
| | | Gastos de viaxe | 1.000,00 € | 1.000,00 € | 2.000,00 € |
| | | Servicios y subcontratación | 6.000,00 € | 6.000,00 € | 12.000,00 € |
| Acción 2.3 | Accións orientadas a captar investimento privado para transferencia tecnolóxica | Personal | 6.000,00 € | 14.000,00 € | 20.000,00 € |
| | | Gastos de viaxe | 500,00 € | 500,00 € | 1.000,00 € |
| | | Servicios y subcontratación | - € | 16.000,00 € | 16.000,00 € |
| Acción 2.4 | Programa Biotech Showcase Galicia | Personal | 12.500,00 € | 12.500,00 € | 25.000,00 € |
| | | Gastos de viaxe | 3.000,00 € | 3.000,00 € | 6.000,00 € |
| | | Servicios y subcontratación | 27.000,00 € | 15.000,00 € | 42.000,00 € |
| Subtotal por conceptos Actuación 2 | Personal | | 33.500,00 € | 41.500,00 € | 75.000,00 € |
| | Gastos de viaxe | | 4.697,44 € | 4.696,50 € | 9.393,94 € |
| | Servicios y subcontratación | | 48.000,00 € | 52.000,00 € | 100.000,00 € |
| | Total Costes Directos Actuación 2 | | 86.197,44 € | 98.196,50 € | 184.393,94 € |
| | Costes indirectos (20% costes directos) | | 17.239,49 € | 19.639,30 € | 36.878,79 € |
| Subtotal Actuación 2 | | | 103.436,93 € | 117.835,80 € | 221.272,73 € |
| | | | Ayuda (55%) | 64.809,69 € | 121.700,00 € |

| | | | 2026 | 2027 | Total |
|--------------------------|--|--|---------------------|---------------------|---------------------|
| TOTAL PRESUPUESTO | | | 171.546,62 € | 178.026,11 € | 349.572,73 € |
| TOTAL AYUDA | | | 125.000,00 € | 125.000,00 € | 250.000,00 € |
| APORTACIÓN BIOGA | | | 46.546,62 € | 53.026,11 € | 99.572,73 € |



ANEXO III

Don José Manuel López Vilariño, na súa condición de presidente da Asociación BIOGA-Clúster Tecnolóxico Empresarial das Ciencias da Vida (en adiante BIOGA) con NIF G70259312 e sede na Rúa Murcia, edificio CSIEB, Polígono A Sionlla 3, 15707 Santiago de Compostela (A Coruña), actuando en representación desta en uso das atribucións que lle confire o artigo 22 dos Estatutos desta entidade e en virtude da aceptación do cargo de presidente da data 09.06.2023.

MANIFESTA:

Que a antedita entidade subscribiu o Convenio de colaboración entre a Axencia Galega de Innovación e a Asociación BIOGA-Clúster Tecnolóxico Empresarial das Ciencias da Vida para a implementación dun plan de actividades para impulsar a competitividade, a innovación e a transferencia no tecido empresarial galego do sector biotecnolóxico no período 2026-2027.

A contía da axuda é:

| ANUALIDADE 2026 | ANUALIDADE 2027 | TOTAL AXUDA |
|-----------------|-----------------|-------------|
| | | |

SOLICITA:

O pagamento anticipado do % da anualidade

| |
|----------------------------------|
| MOTIVO DA SOLICITUDE DO ANTICIPO |
| |

DECLARA:

Ter iniciado ou estar continuando coas actividades do plan dende ou na data

ACHEGA A SEGUINTE DOCUMENTACIÓN:

- Declaración de axudas solicitadas ou concedidas.
 Certificación de titularidade da conta bancaria.

A identificación da conta bancaria onde farase o pagamento:

IBAN:

SINATURA DA PERSOA SOLICITANTE OU REPRESENTANTE

| | |
|--------------|----------|
| | |
| DATA | |



